

Geiq Mbat Doxdax Bengcag Ndeu

记一次拔河比赛

Gveigangj Si Cinzdangz Gih Mungzgungh Cin Liuyui Siujyoz roek (1) ban Veiz Yenginz

贵港市覃塘区蒙公镇廖瑞小学六(1)班 韦燕群

Youq aen banringz nditndat ronghsag ndeu, lauxsae dijuuz baez boq sauq, gyoengq doengzhag couh roengz laeuz bae lo, de fat sing minghlingh ndeu, gyoengq doengzhag roek nienzgaep caeuq haj nienzgaep couh ndwn youq gwnz cauhsangz lo. Seizde ndaw gyoengq doengzhag lumj cij dingqnyyij sing diemheiq, yienghceij miz di gaenjieng.

Lauxsae dijuuz raen daihgya mbouj gangj vah lo, de couh gangj: “Ngoenzneix raeuz haj roek nienzgaep lwgsai guh mbat doxdax bengcag ndeu.” Gyoengq lwgsai baez dingq, sikhaek couh miz cingsaenz lo, gwnz naj gyoengqde cungj loh ok cungj yiengh ndaej hingz haenx. Ban raeuz boux ceiq cangq haenx heuh guh Dazcwngz, de nu da yawj doengzhag haj nienzgaep mbat ndeu, riuriu, couh hainduj guh yindung raeujndang lo.

“Sam, ngeih, it.” Lauxsae dijuuz sing baez sat, daihgya couh haenqrengz bengcag lo. Ban raeuz gij lwgsai daeg beij daeg miz rengz, gyoengqde miz mbanj mauq roengzdaeuj, ndang nyeng gvaq mbiengj bae, yienznaeuz yienghceij mbouj ndei yawj, hoeng cix lumj gij yiengh cansw cunghfungh baenaj yienghhaenx buekmingh. Haj nienzgaep doengzhag hix mbouj nyinh saw, cungj sawjok gij rengz gwncij



daeuj, daegdaeg cungj dwg naj nding rwz hoengz, daengx lwgda, couh lumj duz gukak raen daengz gij gwn swheij ei q gwn nei. Da raen diuzcag cungqgyang diuz saihoengz haenx couh yaek biu gvaq mbiengj doiqfueng bae lo, lahlahdui hix okdaeuj lo, lahlahdui duicangj daiq gyoengq doengzhag mbwk ban raeuz vih doengzhag sai ban raeuz gyayouz hauejheiq. “Gyayouz! Gyayouz! Rag de roengzbae!” Ban raeuz gyoengq lwgsai dingqnyy le daegdaeg cungj haenqrengz bengcag, lumjbaenz gukak nei hemq dwk, ban raeuz Dazcwngz doengzhag baez daemxdin, ndang lak gvaq

baihlaeng, diuz saihoengz gwnz cag haenx youh dauq biu gvaqma. Youq henz gij vunz bouxboux cungj ngaengh liux bae. Raq sing hemq gvaq le, doengzhag haj nienzgaep haeb faenz haeb heuj, hoeng diuz saihoengz haenx deng beng bibi buengqbuengq, yaep deng beng bae yaep deng beng dauq, gyoengq dahsau lahlahdui hemq daengz hozdek, hix faen mbouj ok saw hingz daeuj. Dazcwngz youh haenqrengz baez beng, mbat neix “sausien ndaejhingz” hix daeuj ra raeuz lo. “Va, raeuz roek nienzgaep hingz lo”, doxdax bengcag daengz neix couh sat lo.

Daihgya gag byaij deuz, mizmbangj lij baengngabngab, mizmbangj naj nding rwz hoengz, lij mizmbangj baeg ndaej gyad naengh gwnz namh, fueng haj nienzgaep haenx lij mbouj lumz gag nai naeuz: “Ban dou cix dwg caengz fatvi ndei, baezlaeng raeuz itdingh ndaejhingz.” Ban raeuz gij lwgsai cix naeuz: “Hingz mbouj ndiengq, saw mbouj daej, cix ndaej guh boux cienghgingh ciengz hingz.”

Mbat doxdax bengcag neix hawj gou roxnyinh daengz, fanz sach aeu genhciz roengzbae, doengzsim haenqrengz couh ndaej hoenx hingz gunnanz.

(指导老师:董华英 覃洪球)

Gou Gyaenz Sawcuengh

我爱壮文

Gveigangj Si Cinzdangz Gih Mungzgungh Cin Gujsanh Siujyoz roek nienzgaep Veiz Cwzvaz

贵港市覃塘区蒙公镇古山小学六年级 韦泽华

Seizgan gvaq caen vaiq ha! Baez yaepda gou gaenq hauej roek nienzgaep lo, youq ndaw roek bi neix, gou hag gvaq haujlai monz gunghgo, miz Sawgun、suenqsoq、Yinghyij, lijimiz gohyoz……Gou ceiq mbouj gyaenz hag dwg monz Sawcuengh.

Geiqndaej mwh ngamq hauej youwzyenz, moix ngoenz lauxsae cungj dwg fanfan fufuk son dou doeg sij gij singmeh yinhmeh singdiuh Sawcuengh, gou gig lau sij gij cih ngutngut ngeujngeuj lumj saejgaeq haenx. Cigdaengz hauej siujyoz seiq nienzgaep, gou cij cengqgengz ndaej yungh Vahcuengh doeg saek bien faenzcieng roxnaeuz saek bien gojgaeq.

Youq ndaw hagdangz ranzdoegsaw dou, miz haujlai sawfwen、saw gojgaeq、bauqceij caeuq cazci daengj, mwh ndaejhoengq gou cungj bae fanfan yawjyawj. Miz baez ndeu, gou youq gwnz 《Gvangjsih Minzcuz Bau》 yawjraen bien faenzcieng ndeu, bien neix dwg boux lauxbanj ciengxgaeq ndeu gaisau fuengfap ciengxgaeq, daegbied gangj daengz duzgaeq fatbingh le baenzlawz yw, yungh gij yw lawz. Gou geiq gij fueng’ yw de hauejsim, aenvih daxmeh gou moix bi cungj ciengx haujlai gaeq, gaeq gingciengz fatbingh, mizeiz roengzyw mbouj deng dai le haujlai, meh gou sim’ in baenz geij ngoenz, gwn ninz cungj mbouj onj, gou naemj gij fueng’ yw neix danghnaeuz naengz bang daxmeh gou geijlai ndei ha! Doeklaeng gou dawz aen fueng’ yw yw gaeq baenzbingh lwnh hawj daxmeh nyi, dexmeh gou buenqsaenq buenqngiez, doeklaeng ciuq aen fueng’ yw bae guh dahraix, gaeq caen bingh siuj lo, hix mbouj raen fatraq gvaq. Dayawj gaeqbueng maj ndaej hoengh, daxmeh riu lo, gou hix riu lo.

Daj ngoenzhaenx hwnj, gou liz mbouj liux Sawcuengh, gou aeu hag Sawcuengh.

(指导老师:韦宏庆)

Mbanjranz Gou Gvaq Ngeihcib Bi Le

二十年后的家乡

Gveigangj Si Cinzdangz Gih Mungzgungh Cin Gujsanh Siujyoz haj (1) ban Veiz Caijvwnz

贵港市覃塘区蒙公镇古山小学五(1)班 韦采文

2043 nienz 10 nyied 30 hauh, Baekging seizgan 7 diemj cingq, wnggai hwnqcong lo! Gij sing denswj soujbyauj youq henz rwz gou yiengj hwnjdaeuj, hawj gou daj ndaw fangzhwnzloq doeksaet singj gvaqdaeuj, ndigah gou daeuj daengz 20 bi gvaqlaeng.

“Iij——ijij——” Lijcaengz caj gou cingsaenz gvaekgvaek, couh dingqnyy rog cueng yiengj raq sing he. Rag hai gij yiemzcueng, gou doeksaet, neix lij dwg aen mbanjranz gou roxnaj de lwi? Doenghbaez cix miz gij ranz sanggau, seizneix rog cueng gingqyienz dwg benq raemhfaex mwnsdswd ndeu. Naemj daeuj, gij sing gou dingqnyy haenx couh dwg ok ndaw neix daeuj ba? Baez mup, lij miz cungj feihdauh namhdumz caeuq vahom dem. Caiq ngiengx ngauej yawjyawj gwnz mbwn, mokfaenx mbouj raen lo, loh’ ok daengngoengz hoengzhwdhwd, ciuq youq gwnz ndang raeujrubub. Vanzging caen ndei!

“Hwnjban seizgan daengz!” Aen denswj soujbyauj daezsingj gou, gou naengh hwnj ci bae hwnjban. Gwnz loh gou mbouj duenh ngeixnaemj, ngeihcib bi gvaq le gou dwg guh gijmaz hong ne? Dauqdaej daengz dieg, gou sim’ angq lo. Gij hagdangz dangqnaj gingqyienz dwg aen hagdangz gou sug haenx! Yienzlaiz dwg aen hagdangz gou sug haenx! Laxlawz, 20 bi gvaqlaeng, gou baenz boux lauxsae ndeu. Byaij hauej gyausiz, doenghbaez gij daiz byoengq haenx cungj bienq ndaej moqsaksak, hwzbanj caeuq faenjbic cix mbouj

raen miz lo. Mwh gou geizheih baenzlawz hwnjdaengz, cienzsik daeuzingj couh okdaeuj lo, yienzlaiz raeuz baenzneix hwnjdaengz. Youq gwnz dangz, gou caeuq duzbya beij youzraemx, ndonj gvaq aen bak duz byasahyiz, caeuq canghdwkbya gaemfwngz…… Mizyinx raixcaix.

“Roengzban seizgan daengz! Bonjfaenh yaek vih mwngz yawhdingh doxgaiqgwn.” Seizneix denswj soujbyauj yiengj hwnjdaeuj, caemhcaiq anbaiz ci hawj gou ndei lo. Aen soujbyauj youh yiengj hwnjdaeuj lo: “Gaenq vih mwngz diemj hauejgwn.” Gou diemj hai baez yawj, cungj dwg gij gou gyaenz gwn haenx, baez gwn hauej gingqyienz mbouj lumj gaxgonq yienghhaenx luenhgyuk, cix dwg baenz daiz baenz daiz vunzgihi guhhong, vunzgihi miz laex sadsad yinx vunz hauej daiz, yaep ndeu gij gwn couh baij gwnz daiz rim lo. Nip byaek baez cimz, ndeigwn dangqmaz, gou naemj ngoenzngoengz ndaej baenzneix gwn couh ndei lo!

“Dingling——dingling”, nauhlingz youq henz rwz gou yiengj lo, hawj gou daj ndaw fangzhwnzloq doeksaet singj gvaqdaeuj, yienzlaiz gij gyaundeih haenx cungj dwg fangzhwnzloq. Hoeng gou doiq daengzcog maqmuengh rimcuk, saenq mbanjranz gou gvaq 20 bi le, vanzging itdingh engq ndei, gunghcoz itdingh engqgya fuengbienh, gyoengqvunz gwndaenj itdingh engqgya vuenyungz.

(指导老师:邓界)